

## Sewaan Kapal (*Ship Chartering*)

- 1) *Ship Chartering*: Suatu proses penyewaan kapal melalui persetujuan dua pihak – pemilik kapal (*shipowner*) dan penyewa (*charterer*) – bagi tujuan samada untuk pengendalian, pemindahan kargo, ataupun sebagai kenderaan pengangkutan.
- 2) Persetujuan antara penyewa dan pemberi sewa ini dimaktubkan dalam satu dokumen/kontrak perjanjian sewaan kapal yang dinamakan sebagai *Charter Party*. Sekiranya diperlukan, broker kapal (*shipbroker*) pula boleh bertindak sebagai orang tengah atau bagi pihak pemunya kapal atau penyewa untuk meneliti dan menguruskan kontrak sewaan.
- 3) Kontrak sewaan kapal pula boleh dikategorikan kepada 3 jenis iaitu:

1. <i>Voyage Charter</i>	2. <i>Time Charter</i>	3. <i>Bareboat Charter</i>
<ul style="list-style-type: none"><li>▪ Merujuk kepada sewaan kapal beserta dengan kru kapal untuk suatu kontrak <b>perjalanan</b> yang khusus (<i>voyage basis</i>) antara dua pelabuhan destinasi (<i>load &amp; discharge port</i>).</li><li>▪ Penyewa akan membayar kos mengikut kuantiti kargo per-tan atau secara bayaran <i>lump-sum</i>, manakala pemilik kapal menanggung kos di pelabuhan, minyak dan kru.</li><li>▪ Sebagai contoh, kontrak sewaan menetapkan perjalanan dari Klang ke Bintulu – setelah perjalanan itu lengkap kontrak dianggap tamat dan kapal dipulangkan semula ke pemilik.</li></ul>	<ul style="list-style-type: none"><li>▪ Melalui kontrak sewaan secara <i>time charter</i>, penyewa akan menggunakan kapal untuk suatu <b>tempoh</b> penggunaan yang dipersetujui bersama (<i>time basis</i>).</li><li>▪ Sepanjang tempoh sewaan penyewa bebas menentukan destinasi dan laluan pelayaran, serta bertanggungjawab ke atas kos yang dikenakan kepada kapal (termasuk pengendalian kargo, caj pelabuhan, bekalan minyak, dll.).</li><li>▪ Pemilik kapal pula akan menanggung kos operasi kapal termasuk kru, senggaraan dan pembaikan, dan insurans.</li><li>▪ Kontrak dianggap tamat apabila tempoh sewaan telah tamat.</li></ul>	<ul style="list-style-type: none"><li>▪ Juga dipanggil <i>demise charter</i>;</li><li>▪ Kebiasaan bagi penyewa yang ingin menyewa kapal untuk suatu tempoh yang panjang (bertahun).</li><li>▪ Pemilik kapal menyewakan kapal sahaja dan menyerahkan hak penyewaan sepenuhnya kepada penyewa.</li><li>▪ Sepanjang tempoh sewaan, penyewa akan bertanggungjawab sepenuhnya ke atas kapal dan menanggung segala kos pengendalian dan operasi sepanjang tempoh sewaan termasuk mencari kru kapal, minyak, insurans, senggaraan, dsb.</li></ul>